

Leikskóli Seltjarnarness

Suðurströnd 1, 3 og Kirkjubraut 2

Símanúmer: 5959280 / 5959290 / 6942648

Veffang: <http://www.leikskoli.seltjarnarnes.is>

Vefpóstur: soffia@nesid.is / annaha@nesid.is

Leikskólastjóri: Soffía Guðmundsdóttir

Aðst.leikskólastjóri: Anna Harðardóttir

Fjöldi starfsmanna: 61

Fjöldi stöðugilda: 53,1

Leikskóli Seltjarnarness starfar samkvæmt lögum um leikskóla og reglugerðum þeim tengdum. Í skólanum eru 10 deildir í þremur starfsstöðvum, Mánabrekku og Sólbrekku við Suðurströnd og Holt í Seltjarnarneskirkju. Í skólanum er lögð áhersla á að börn fái tækifæri til að hjálpa sér sjálf eftir því sem þroski þeirra og geta leyfir og þau styrkt til sjálfshjálpar í öllum þáttum daglegs lífs. Leikurinn er hornsteinn leikskólastarfsins því samkvæmt hugmyndafræði leikskóla lærir barn mest og best í leik og samskiptum við börn og fullorðna í frjóu og skapandi umhverfi.

Starfsfólk hefur sameinast um gildin jákvæðni, virðing og fagmennska sem eru höfð að leiðarljósi í daglegu starfi skólans.

Helstu verkefni 2014

Tónlist

Öll börn skólans njóta kennslu tónmenntakennara sem er mikilvæg viðbót við annað tónlistarstarf sem fram fer í skólanum. Tónlistarkennslan er samstarfsverkefni leikskólans við Tónlistarskóla Seltjarnarness.

Umhverfismennt

Leikskólinn flaggar nú í sjötta sinn grænfánanum sem er alþjóðleg viðurkenning fyrir starf að umhverfismennt og menntun til sjálfbærrar þróunar.

Virk umhverfisnefnd er starfandi við skólann sem ásamt eftirlitshópi elstu barnanna hefur það hlutverk að fylgjast með, viðhalda og benda á það sem betur má fara í umhverfismálum.

SMT – skólafærni

Áhersla er lögð á SMT – skólafærni, en verkefnið gengur út á að koma í veg fyrir og draga úr óæskilegri hegðun með því að kenna og þjálfra félagsfærni og gefa jákvæðri hegðun barna gaum með markvissum hætti. Skólinn hefur hlotið viðurkenningu á því starfi og er nú sjálfstæður SMT – skóli.

Sumarskólinn

Er fyrir elstu börn leikskólans sem hefja grunnskólagöngu að hausti. Sumarskólinn er starfræktur í húsnæði grunnskólans. Þar er megin áhersla lögð á að börnin aðlagist húsnæði grunnskólans og mótuneyti, upplifunarferðir og útivist.

Íþróttaskóli Gróttu

Samstarfsverkefni leikskólans og Gróttu þar sem börnin fá kynningu og leiðsögn í þeim íþróttagreinum sem félagið býður upp á þ.e. handbolta, fótbolta og fimleikum.

Persónumöppur

Í möppurnar fara fyrirfram ákveðin verkefni og skráningar sem fylgja börnunum á milli deilda og eru unnar í samvinnu barna, foreldra og leikskólakennara.

Hreyfiland

Samstarfsverkefni við Hreyfiland sem unnið er með börnunum í Mánabrekku. Þar er lögð er áhersla á að efla styrk, þol og almenna hreyfigetu barna í gegnum leik.

Vinátta

Verkefnið er forvarnarverkefni gegn einelti fyrir leikskóla og er unnið í samstarfi við Barnaheill. Vinátta byggir á nýjustu rannsóknum á einelti og á ákveðinni hugmyndafræði og gildum sem skulu samofin öllu skólastarfi auk raunhæfra verkefna fyrir börn, starfsfólk og foreldra.

Námskrá Leikskóla Seltjarnarness

Lokið var við skólanámskrá LS, en tilgangur hennar er að skipuleggja uppeldi og nám barnanna, stuðla að skilvirkara starfi og gera leikskólastarfið sýnilegra.

Önnur verkefni:

- Læsi er lykilatriði, samstarfsverkefni leik.-og grunnskóla Seltjarnarness.
- Leikskólinn er heimaskóli nema við menntavísindasvið HÍ sem felur í sér að sjá þeim fyrir æfingakennurum og vettvangstengingu meðan á námi stendur.
- Í samstarfi við nágrannasveitarfélögin í Kraganum er boðið upp á fjölbreytta fyrirlestra og námskeið fyrir alla sem starfa í leikskólanum.
- Starfsfólk tók þátt í vinnustaðgreiningu Seltjarnarnesbæjar.

Lykiltölur

Leikskóli Seltjarnarness	2012	2013	2014	2015
Fjöldi nemenda	179	195	190	199
Nemendur 0 – 2 ára	52	33	57	67
Nemendur 2 – 6 ára	127	162	133	132
Hlutfall leiksk.nem. af íbúum Seltj.ness	4,1%	4,5%	4,5%	4,5%
Meðaldvalartími nemenda á dag í LS	8,06	7,9	8,20	8,21
Heildarfjöldi stöðugilda við LS	44,00	49,93	50,75	53,1
Stöðugildi leikskólakennara á launum	15,58	16,03	17,49	18,32
Hlutfall leikskólakennara í fullu starfi	41%	38,8 %	59,%	50%
Stöðug. starfsfólks með aðra fagmenntun	9,62	13,31	12,52	11,73
Fjöldi annars starfsfólks	18,8	20,59	20,74	23,05
Fjöldi stöðugilda í eldhúsi	3	3	3	3